

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač
DOP	5 01

Strana:
1 od 1

Broj protokola: 05-1-25-1-1317-18/25.

JAVNO

DATUM: 02.06.2025. god.**PRIMALAC:**
GONG d.o.o. Sarajevo
GRAFIKA ŠARAN d.o.o. Sarajevo
BLUE RIVER d.o.o. Sarajevo
IMPACTUS d.o.o. Sarajevo**PREDMET:** Obavijest o izboru ponuđača u postupku nabavke štampanog materijala**VEZA:**

Poštovani,

Na osnovu člana 71. Zakona o javnim nabavkama ("Sl. glasnik BiH", br. 39/2014, 59/2022 i 50/2024), obavještavamo vas da je, nakon okončane procedure prikupljanja ponuda za nabavku štampanog materijala, provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena ponuda BLUE RIVER d.o.o. Sarajevo.

S poštovanjem,


d. DIREKTOR-a
Sanin Ramezić

DOSTAVLJENO:

1. Ponuđaču
2. Upravi Društva
3. Sektoru za administrativnu podršku
4. a/a



	Tel:	Fax:	E-mail:
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	oco@sarajevo-airport.ba
WEB	www.sarajevo-airport.ba	/	/



UPRAVA

Strana: 1 od 3

Broj protokola: 05-1-25-1-1317-17/25

JAVNO

Datum: 30.05.2025. godine

Na osnovu člana 70. Zakona o javnim nabavkama („Službeni glasnik BiH“, br.: 39/14, 59/22 i 50/24), člana 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo, člana 45. Statuta J.P. Međunarodni aerodrom „SARAJEVO“ d.o.o. Sarajevo, te na osnovu Izvještaja i preporuke Komisije za provođenje postupka javne nabavke robe: Štampani materijal, broj: 05-3-25-1-1317-16/25 od 26.05.2025. god., Uprava J.P. Međunarodni aerodrom „SARAJEVO“ d.o.o. Sarajevo, na svojoj 33. sjednici, održanoj dana 30.05.2025. god., donosi

ODLUKU

I

Za nabavku robe: Štampani materijal, prihvata se ponuda ponuđača BLUE RIVER d.o.o. Sarajevo, broj: 20-05/25-BR, zavedena na protokol J.P. Međunarodni aerodrom „SARAJEVO“ d.o.o. Sarajevo dana 21.05.2025. god., pod brojem: 05-3-25-1-1317-8/25, po cijeni za predmetnu nabavku u iznosu od: 49.896,63 KM (četdesetdevet hiljada osam stotina devedeset šest i 63/100 KM), bez PDV-a.

II

Izabrani ponuđač je, u roku od sedam radnih dana od dana prijema Obavijesti i ove Odluke o prihvatanju ponude, dužan u J.P. Međunarodni aerodrom „SARAJEVO“ d.o.o. Sarajevo dostaviti originale ili ovjerene fotokopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude.

III

Po proteku rokova za reviziju, a uz prethodnu dostavu dokumentacije iz tačke II, Naručilac će izabranom ponuđaču ponuditi zaključenje ugovora o nabavci iz tačke I ove Odluke, kojim će se regulisati međusobna prava i obaveze ugovornih strana u vezi sa predmetnom nabavkom.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Štampani materijal, v.d. direktora J.P. Međunarodni aerodrom „SARAJEVO“ d.o.o. Sarajevo je dana 08.05.2025. godine donio Odluku o pokretanju postupka nabavke, broj: 05-3-25-1-1317-3/25, a Rješenjem, broj: 05-1-25-1-1317-7/25 od 20.05.2025. godine, imenovao je i Komisiju za provođenje postupka predmetne nabavke. U skladu sa navedenom Odlukom, J.P. Međunarodni aerodrom „SARAJEVO“ d.o.o. Sarajevo (u daljem tekstu: Društvo) je na Portalu javnih nabavki dana 09.05.2025. godine objavilo obavještenje o nabavci, broj: 246-7-1-318-3-93/25. Do ostavljenog roka za predaju ponuda, 21.05.2025. godine, na protokol Društva ponudu su dostavila 4 (četiri) ponuđača, i to: GONG d.o.o. Sarajevo, GRAFIKA ŠARAN d.o.o. Sarajevo, BLUE RIVER d.o.o. Sarajevo i IMPACTUS d.o.o. Sarajevo. Na javnom otvaranju ponuda, održanom isti dan u 10,30 sati, bez prisustva predstavnika ponuđača, pročitani su nazivi ponuđača i ponuđene cijene, i to:

- GONG d.o.o. Sarajevo, vrijednost ponude u iznosu od 49.882,00 KM, bez PDV-a,
- GRAFIKA ŠARAN, vrijednost ponude u iznosu od 49.889,20 KM, bez PDV-a,
- BLUE RIVER d.o.o. Sarajevo, vrijednost ponude u iznosu od 49.896,63 KM, bez PDV-a i
- IMPACTUS d.o.o. Sarajevo, vrijednost ponude u iznosu od 46.896,00 KM, bez PDV-a.

Nakon javnog otvaranja ponuda, Komisija se sastala radi njihove detaljne analize, te je pregledom i analizom ponuda utvrdila sljedeće:

- GONG d.o.o. Sarajevo

Prilikom detaljnog pregleda ove ponude Komisija je konstatovala da ponuđač nije pripremio ponudu u skladu sa zahtjevima iz tenderske dokumentacije.

Naime, ponuda ne sadrži uzorke stavki koji su bili jasno zahtijevani u ANEKSU III – Obrazac za cijenu ponude, a način i forma dostavljanja uzoraka dodatno su precizirani u tački 4.2 tenderske dokumentacije. Ponuđač je bio svjestan obaveze dostavljanja uzoraka, što potvrđuje i izjava dostavljena uz ponudu, u kojoj navodi da, zbog kompleksnosti zahtjeva, nepostojanja grafičke pripreme za pojedine artikle, te kratkog roka za pripremu, nije bio u mogućnosti dostaviti uzorke. U tenderskoj dokumentaciji je bilo jasno navedeno da ponuđač ima mogućnost da, ukoliko mu neki zahtjev nije bio jasan, putem Portala Agencije za javne nabavke postavi pitanje i zatraži pojašnjenje, kao i da podnese zahtjev za produženje roka za dostavu ponuda.

Vrsta dok.	Izdavač
ODL	5-01
Strana: 2 od 3	
JAVNO	

Također, Komisija je konstatovala da je ponuđač u ponudi naveo postojanje povjerljivih informacija na stranicama 1–24, uključujući sadržaj ponude, izvod iz sudskog registra, Obrazac za ponudu – ANEKS I, Obrazac povjerljivih informacija – ANEKS II i Obrazac za cijenu ponude – ANEKS III. Međutim, u skladu sa članom 11. stav (1) Zakona o javnim nabavkama, pojedinačni i ukupni iznosi cijene ponude, predmet nabavke (odnosno ponuđena roba, usluga ili rad), kao i podaci o kvalifikaciji ponuđača (kao što je izvod iz sudskog registra), ne mogu se smatrati povjerljivim informacijama. Iako predmetni nedostatak sam po sebi nije okolnost zbog koje bi se ponuda ocijenila formalno-pravno neispravnom, Komisija je informativno konstatovala da informacije navedene u aneksima I i III, kao i izvod iz sudskog registra, ne mogu biti tretirane kao povjerljive, bez obzira na to što ih je ponuđač tako označio.

Imajući u vidu sve navedeno, a na osnovu člana 2. stav (1) tačka I) i člana 68. stav (4) tačka i) Zakona o javnim nabavkama, Komisija je ovu ponudu ocijenila kao nepravilnu, odnosno neprihvatljivu.

- GRAFIKA ŠARAN d.o.o. Sarajevo

Prilikom detaljnog pregleda ove ponude Komisija je konstatovala više nedostataka, koji se ogledaju u činjenici da ponuđač nije pripremio ponudu u skladu sa tenderskom dokumentacijom. Uočeni nedostaci su sljedeći:

- uzorci nisu dostavljeni uz ponudu, iako je njihovo dostavljanje bilo jasno propisano u ANEKSU III – Obrazac za cijenu ponude, a način i forma dostave dodatno su definisani u tački 4.2 tenderske dokumentacije. Nedostavljanje uzoraka onemogućava tehničku evaluaciju predmeta ponude i predstavlja bitan nedostatak, s obzirom na to da su uzorci bili obavezan sastavni dio ponude;
- potvrda o dobro izvršenom ugovoru nije prihvatljiva, jer se odnosi na ugovor koji još uvijek traje. U potvrdi se navodi da je ugovor zaključen 2007. godine i da se realizuje bez prekida, a navodi se i iznos realizacije u posljednje tri godine (213.677,10 KM). Međutim, u smislu člana 48. stav (3) Zakona o javnim nabavkama, potvrda mora da se odnosi na uredno izvršeni ugovor, te mora sadržavati jasno definisano vrijeme izvršenja, vrijednost ugovora i potvrdu o njegovom završenom izvršenju. S obzirom na to da ugovor na koji se potvrda odnosi još uvijek traje, potvrda ne može služiti kao valjan dokaz tražene tehničke i profesionalne sposobnosti.

Imajući u vidu sve navedeno, a na osnovu člana 2. stav (1) tačka I) i člana 68. stav (4) tačka i) Zakona o javnim nabavkama, Komisija je ovu ponudu ocijenila kao nepravilnu, odnosno neprihvatljivu.

- BLUE RIVER d.o.o. Sarajevo

Nakon pregleda ponude u skladu sa članom 65. stav (1) Zakona o javnim nabavkama, a imajući u vidu da ponuda ispunjava zahtijevano tenderskom dokumentacijom, Komisija je ovu ponudu ocijenila formalno-pravno, tehnički i računski ispravnom, odnosno pravilnom i prihvatljivom.

- IMPACTUS d.o.o. Sarajevo

Prilikom detaljnog pregleda ove ponude Komisija je konstatovala više nedostataka, koji se ogledaju u činjenici da ponuđač nije pripremio ponudu u skladu sa tenderskom dokumentacijom. Uočeni nedostaci su sljedeći:

- nisu numerisane sve stranice ponude, što je protivno odredbi iz tačke 4.2 tenderske dokumentacije, kao i članu 58. stav (2) Zakona o javnim nabavkama, prema kojem „ponuda mora biti uvezana, a sve strane ponude numerisane“. Ponuđač nije numerisao sljedeće dokumente: Izjavu po članu 45., izvod iz sudskog registra i potvrdu o dobro izvršenom ugovoru;
- ANEKS III – Obrazac za cijenu ponude nije popunjen u potpunosti, konkretno ponuđač nije popunio rubrike broj 7 (Popust %), 8 (Iznos popusta) i 9 (Ukupna cijena po stavki bez PDV-a sa uključenim popustom), te ukupnu vrijednost u polju „Ukupno obračunat popust za sve stavke“, što je u suprotnosti sa zahtjevom iz tačke 2.1 pod e) tenderske dokumentacije;
- nisu dostavljeni uzorci na način kako je to zahtijevano u ANEKS-u III i tački 4.2 tenderske dokumentacije. Naime, ponuđač je propustio dostaviti uzorke za stavke pod brojem 6, 12, 13, 41, 48, 49, 57 i 111 Obrasca za cijenu ponude, dok uzorci za stavke pod brojem 34, 37 i 38 nisu dostavljeni na način koji je preciziran u tenderskoj dokumentaciji. Dodatno, ponuđač nije označio uzorke, niti ih naveo u sadržaju ponude, što je zahtijevano u tački 4.2 tenderske dokumentacije;

Vrsta dok.	Izdavač
ODL	5-01
Strana: 3 od 3	
JAVNO	

- potvrda o dobro izvršenom ugovoru, koja je dostavljena kao dokaz tehničke i profesionalne sposobnosti, nije prihvatljiva, jer se u istoj navodi da je ponuđač u toku 2024. godine izvršavao isporuke štampanog materijala „u skladu sa prethodnim dogovorima i narudžbama“, u ukupnoj vrijednosti od 50.000,00 KM.

Međutim, tenderska dokumentacija (tačka 2.1 pod h) jasno zahtijeva potvrdu o uredno realizovanom jednom ugovoru minimalne vrijednosti 35.000,00 KM bez PDV-a. Dostavljena zbirna potvrda o realizaciji narudžbi, ne ispunjava ni uslov iz tenderske dokumentacije, niti kriterije iz člana 48. stav (3) Zakona o javnim nabavkama.

Imajući u vidu sve navedeno, a na osnovu člana 2. stav (1) tačka I) i člana 68. stav (4) tačka i) Zakona o javnim nabavkama, Komisija je ovu ponudu ocijenila kao nepravilnu, odnosno neprihvatljivu.

Imajući u vidu da je u ovom postupku javne nabavke zaprimljena samo jedna prihvatljiva ponuda, e-aukcija, koja je bila predviđena u ovom postupku javne nabavke, nije mogla biti održana.

S obzirom na naprijed navedeno, Komisija je utvrdila da je najpovoljnija, a ujedno i jedina prihvatljiva ponuda za nabavku predmetne robe ponuda ponuđača BLUE RIVER d.o.o. Sarajevo, te je u svom Izvještaju, broj: 05-3-25-1-1317-16/25 od 26.05.2025. god., predložila Upravi Društva da se ugovor za nabavku robe: Štampani materijal, u ponuđenoj vrijednosti od 49.896,63 KM, bez PDV-a, dodijeli ovom ponuđaču.

Uprava Društva je razmotrila predmetni Izvještaj i preporuku Komisije na svojoj 33. sjednici, održanoj dana 30.05.2025. god., te je, nakon uvida u provedeni postupak, istu i prihvatila, pa je, na osnovu člana 70. Zakona o javnim nabavkama, a u vezi sa članom 25. Pravilnika o javnoj nabavci roba, usluga i radova u Društvu, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

v.d. DIREKTOR-a
Sanin Ramezić



Prilog: Zapisnik o pregledu i ocjeni ponuda;

DOSTAVLJENO:

1. Ponuđačima
2. Upravi Društva (orig.)
3. Sektoru za administrativnu podršku
 - Služba nabavke (orig.)
 - Služba za pravne poslove i protokol
4. a/a